

Date – 04/05/2025

Time - 7:30 Hrs

HEADLINES:-

1. Cyber Crime Police Station hnuaiiah Kum 2020 January atanga kumin March thla thlanga chhinchhiah danin sum lama inbumna case ziah luh a tam ber.
2. Ramchhunga state hrang hrang Goods and Services Tax dinhmun tarlanah Mizoram GST chu nikum April thla chhunga khawn aain za zela -28% in a tla hniam.
3. Tunhnaia ruahsurin Aizawl tui tlan atih nut avangin tui pump chawlh rih a ni a, pump leh theih hun hriat ala nihloh bakah tui ala nut avangin Thawk tute chuan mipuite tui ren turin an chah.
4. Tun hnaia Pahalgam firfiakte beih a nih hnuah India chuan Pakistan lawngte India lawng chawlhna hmuna luh a khap.

<><><>

FINANCIAL FRAUD TOPS CYBERCRIME CHART IN MIZORAM

Cyber Crime Police Station hnuaiiah Kum 2020 January atanga kumin March thla thlanga chhinchhiah danin case ziah luh hrang hrang zingah sum lama inbumna case a tam ber a, sum lama inbumna case ziahluh chu za zela 56.38 a ni.

Cyber Crime chhinchhiah danin sum lama inbumna hi case 181 ziahluh niin heng te hi online hmanga inbumna te leh midang sum dawt phuahchawp hmanga lak sak te a ni a, heng bakah hian Cyber Crime chuan rukruk vangin case 32 ziak lutin naupang hursualna avanga case ziah luh 16 a awm baw k a, social media kaltlanga invauna case 9 leh phalna neiloa mi thil lakchhawn avangin case 7 leh dawt hmanga thu thehdarh avangin case 5 ziak lutin heng bakah hian mi account hack avangin case 1 an ziak lut tawh a ni.

Cyber Crime Police Station tarlan danin kum 2021 atanga kumin March inkarah hian sum lama inbumna atangin cheng vbch 1 leh nuai 42 chu hmuh let a ni tawh a, kum 2022 ah sum lama inbumna chunchang case ziahluh tam ber niin case 158 ziahluh a ni a, kum 2023 ah case 72 ziahluh a ni baw k.

Kuminah hian March ni 11 thleng khan cyber crime case 13 ziahluh tawh niin heng zinga 6 chu mipat hmeichhiatna rawngkaia invauna niin case 4 chu sum lama inbumna a ni.

Chhinchhiah danin kum 2021 atangin cyber crime case vangin mi 113 man an ni tawh a, heng zingah hian kum tlinglo pawh telin cyber crime vanga man mi 113 zinga 40 chu thiamloh chantir tawh an ni.

<><><>

HORTI

Horticulture Department-in a Thiak a Centre of Excellence for Flowers dinna tura rawtna a siam endik tura Holland atanga lo kal, Ton Bakker, PUM Expert, Indo-Dutch Centre of Excellence for Flowers chuan Aizawl a lo thleng. Zirtawpni khan Horticulture Department hotute leh Mizorama Floriculture lama pawl lian pali - Zo-Anthurium Growers Co-Operative Society, Mizoram Florist Association, Mizoram Bonsai Association leh Orchid Society of Mizoram hruaitute nen thukhawmin rawtna leh ruahmanna an lo neihte sawi ho a ni. Pu Ton Bakker-a hian Horticulture Department-in a Centre of Excellence for Flowers atana hmun an lo rawt mek a endik bakah Mizorama pangpar chingtu pawl hrang hrangte hmalakna a enpui a, Florists Fair neih mekte pawh fangkualin Aizawl leh a chhehvela pangpar chinna hmun te a fangkual baw k a ni. Pu Ton Bakker-a chuan Horticulture Department leh pawl hrang hrang hmalakna fakin, hmasawn theihna lai tur an sawiho a, Mizoram in hmabak eng tak a neih thu a sawi.

<><><>

GST COLLECTION

Ramchhunga state hrang hrang Goods and Services Tax dinhmun tarlanah Mizoram GST chu nikum 2024 April thla chhunga khawn aain za zela -28% in a tlahniam a, kumin March thlaa GST in kum hmasa March GST chu (-8%) in a phak lo bawk.

India ram pumpui anga GST chhiah khawn a pun mek laiin Mizoramin GST a khawn zat hi a tlahniam nasa hle a, nikum April thla a phak lohna hi cheng vbch 30 chuang (-28%) a ni.

Hetihlai hian India ramin kumin April thla chhunga GST chhiah a khawn zat chu cheng vbch 2 sing 3 sang 7716 niin thla hmasa March khawn zat cheng vbch 1 sing 8 sang 6141 aain cheng vbch sing 5 sang 1575 in a tam zawk tih Finance ministry thu chhuah chuan tar langin nikum April thla nena khaikhina a punna chu 12.6% a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Vawiin chawhnu dar 2 leh a chanve-ah Chanchinthar puan leh a ni ang.

<><><>

BADMINTON

Yonex-Sunrise All India Junior Ranking Badminton Tournament 2025 neih zawh taka mipa kum 19 hnuai lam inelnaa champion Mizo rawlthar H. Lalthazuala chu Asian Badminton championship ah India aiawh a khel turin a in puahchah zui a.

India rama Badminton inelna lian leh ngaihhlut hlawh hi Panchkula, Haryana-ah neih niin, Thazuala hi seeded 11-na a ni a, nimin final-ah seeded pathumna Ansh Negi chu 21-19, 21-16 (straight set) hmangin a hneh a ni.

H.Lalthazuala chuan tun dinhmun a thleng thei chu an coach te leh hruaitute thawhrim rah leh a nu leh pa leh chhungte tawngtaina rah a ni a ti a, international competition ah sang tak thleng turin theihtawp a chhuah tur thu a sawi a ni.

Lalthazuala bakah hian C. Lalramsanga chuan U-19 Mixed doubles leh U-19 Boy's doubles-ah silver medal a la ve ve bawk a, Girls Double huangah Lalrempuii chu Tanoo Chandra-i nen inkawpin bronze medal an vaw chhuak ve bawk.

<><><>

PHE

Tunhnaia ruahsurin Aizawl tui tlan atih nut avangin tui pump chawlh rih a ni a, pump leh theih hun hriat ala nihloh bakah tui ala nut avangin Thawk tute chuan mipuite tui ren turin an chah. Tunhnaia ruah sur avang hian Mizoram hmun hrang hranga tuilak kawngah harsatna a thleng a, Champhaiah chuan khawpui tuilakna, Khawchhak tuipui chu nasa takin a nu a, Tuipui tui PHE in an Pump-na chu mipui ei in atana Pump tlak lohva a nut mek avangin PHE Department chuan tui an Pump theih hun tur an sawi thei lova, hemi avang hian hun engemaw chen chu Mipui tui in tur an Pump thei dawn lo tih an sawi a ni.

<><><>

PAKISTAN SHIPS BANNED

Tun hnaia Pahalgam firfiakte beih a nih hnuah India chuan Pakistan lawngte India lawng chawlhna hmuna luh a khap. Directorate General of Shipping chuan thuchhuah siamin, Pakistan flag keng lawng eng pawh chu India lawng chawlhmun tlawh phal a ni lo an ti a. India lawng-te pawhin Pakistan ram lawng chawlhmun engmah an tlawh dawn lo tih an sawi bawk. DGS chuan he dan hi hman nghal a nih thu leh hriattirna dang a awm hma chuan zawm tur a nih thu a sawi a. He thutlukna hi mipui vantlang tana tha tur leh India lawng lian India thil phur, bungrua leh ram ven himna tura tih niin He dan ina a huam loh chin tur a awm chuan uluk taka enfiah leh thutlukna siam a nih tur thu a sawi bawk.

<><><>